



U skladu sa odredbom člana 87. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20 i 39/21), člana 172. Statuta Univerziteta u Sarajevu, broj: 01-1093-3-1/18 od 28.11.2018. godine, Pravila studiranja za treći ciklus studija na Univerzitetu u Sarajevu – doktorski studij br. 01-1101-79-1/18 od 19.12.2018. godine, Odlukom Senata Univerziteta u Sarajevu broj: 01-2-57/22 od 23.02.2022. godine o usvajanju izmjene i dopune Nastavnog plana i programa trećeg ciklusa (dokorskog studija), Odluke Senata Univerziteta u Sarajevu za raspisivanje konkursa broj: 01-4-124/22 od 30.03.2022. godine, saglasnosti Ministarstva za nauku, visoko obrazovanje i mlade Kantona Sarajevo broj: 27-34-15176-1/22 od 14.04.2022. godine, Odluke Fakulteta o cijeni studija broj: 02-1-118-2/22 od 08.02.2022. godine i prethodne Odluke Upravnog odbora Univerziteta u Sarajevu broj: 02-159/18 od 17.07.2018. godine, Odluke Vijeća Fakulteta o usvajanju Konačne rang-liste studenata primljenih na treći ciklus studija broj: 02-1-680-1/22 od 13.06.2022. godine, Odluke Senata Univerziteta u Sarajevu o usvajanju Konačne rang-liste broj: 01-9-71/22 od 29.06.2022. godine, ugovorne strane:

1. **Univerzitet u Sarajevu-Fakultet političkih nauka** (u daljnjem tekstu: Fakultet političkih nauka) sa sjedištem na adresi Skenderija 72, 71 000 Sarajevo, zastupan od **dekana, prof. dr. Sead Turčalo,**

i

2. **STUDENT/ICA** _____ (u daljnjem tekstu: student/ica), rođen/a _____, godine u _____, JMBG: _____, upisan/a **studijske 2022/2023. godine** na doktorski studij – treći ciklus studija, istraživačko polje _____ u statusu **Redovan.**

UGOVOR O STUDIRANJU ZA DOKTORSKI STUDIJ – TREĆI CIKLUS STUDIJA

Predmet ugovora

Član 1.

Predmet ovog ugovora je reguliranje međusobnih prava i obaveza između Fakulteta političkih nauka i studenta upisanog na Doktorski studij – treći ciklus studija (u daljnjem tekstu: doktorski studij).

Član 2.

Doktorski studij počinje u studijskoj 2022/2023 godini i traje III godine, odnosno VI semestara.

Prava i obaveze ugovornih strana

Član 3.

Fakultet političkih nauka se obavezuje da studentu obezbijedi uvjete za prisustvo i praćenje nastave, učestvovanje u naučnoistraživačkom i umjetničkom radu, stjecanje diplome doktora nauka/umjetnosti i odgovarajućeg naučnog zvanja doktora nauka/umjetnosti po okončanju studija, kao i druga prava u skladu sa Zakonom o visokom obrazovanju Kantona Sarajevo, Statutom Univerziteta u Sarajevu, Nastavnim planom i programom trećeg ciklusa studija i drugim važećim aktima Kantona Sarajevo, Univerziteta u Sarajevu i fakulteta/akademije.



Nastavni plan i program trećeg ciklusa studija utvrđuje vijeće studija, a usvaja vijeće organizacione jedinice, uz prethodno odobrenje Senata Univerziteta.

Nastavni plan i program u formi ECTS kataloga/informacijskog kataloga je sastavni dio ovog ugovora.

Član 4.

Nastavni proces trećeg ciklusa studija izvodi se u obliku predavanja, seminara, konsultacija te drugih utvrđenih oblika nastave.

Nastava se izvodi ukoliko na jednom predmetu ima tri ili više studenata.

Konsultativna (mentorska) nastava se obavezno izvodi ukoliko predmet sluša manje od tri studenta ili ako je ovakav vid nastave nužno organizirati zbog prirode (karaktera) studija. Odluku o načinu izvođenja nastave koja će se organizirati donosi vijeće studija.

Član 5.

Student je u obavezi da učestvuje u svim oblicima nastavno-naučnog i istraživačkog rada predviđenih Nastavnim planom i programom u skladu sa Pravilima studiranja za treći ciklus studija Univerziteta u Sarajevu.

Student je dužan položiti sve ispite i obaviti sve ostale provjere znanja.

Član 6.

Postupak izbora, predlaganja, odabira teme i odbrane doktorske disertacije vrši se u skladu sa Pravilima studiranja za treći ciklus studija Univerziteta u Sarajevu.

Finansiranje studija

Član 7.

- (1) Studenti upisani u I semestar se obavezuju da će troškove studija u iznosu od 15.000,00 KM plaćati u ratama kako slijedi:
 - prva rata u iznosu od 2.500,00 KM prilikom upisa na studij, I godina
 - druga rata u iznosu od 2.500,00 KM prilikom ovjere I i upisa u II semestar, I godina,
 - treća rata u iznosu od 2.500,00 KM, prilikom upisa u III semestar, II godina,
 - četvrta rata u iznosu od 2.500,00 KM prilikom ovjere III i upisa u IV semestar, II godina
 - peta rata u iznosu od 2.500,00 KM, prilikom upisa u V semestar, III godina,
 - šesta rata u iznosu od 2.500,00 KM prilikom ovjere V i upisa u VI semestar, III godina.
- (2) Studenti (magistri nauka) upisani u III semestar se obavezuju da će troškove studija u iznosu od 10.000,00 KM plaćati u ratama kako slijedi:
 - prva rata u iznosu od 2.500,00 KM prilikom upisa u III semestar, II godina
 - druga rata u iznosu od 2.500,00 KM, prilikom ovjere III i upisa u IV semestar, II godina,
 - treća rata u iznosu od 2.500,00 KM prilikom upisa u V semestar, III godina,
 - četvrta rata u iznosu od 2.500,00 KM prilikom ovjere V i upisa u VI semestar, III godina.
- (3) Plaćanje iz stava 1. i 2. se može izvršiti i u cijelosti u iznosu od 15.000,00 KM, odnosno 10.000,00 KM (magistri nauka).



Član 8.

Student koji je položio ispite predviđene Nastavnim planom i programom i odbranio doktorsku disertaciju stiče naučno zvanje DOKTORA POLITIČKIH NAUKA/ZNANOSTI, DOKTORA SOCIOLOŠKIH NAUKA/ZNANOSTI, DOKTORA POLITIČKIH NAUKA/ZNANOSTI IZ OBLASTI SIGURNOSNIH I MIROVNIH STUDIJA, DOKTORA KOMUNIKOLOŠKIH NAUKA/ZNANOSTI I DOKTORA NAUKA/ZNANOSTI SOCIJALNOG RADA u skladu sa prijavljenim istraživačkim poljem i Pravilnikom o stjecanju i korištenju akademskih titula, stručnih i naučnih zvanja na visokoškolskim ustanovama na području Kantona Sarajevo.

Važenje ugovora

Član 9.

Ovaj ugovor stupa na snagu upisom u prvu studijsku godinu trećeg ciklusa studija (dokorskog studija) i važi do završetka dokorskog studija.

Ostale odredbe

Član 10.

Na odnose koji nisu regulirani ovim ugovorom će se primijeniti odredbe Zakona o visokom obrazovanju Kantona Sarajevo, Statuta Univerziteta u Sarajevu, Pravila studiranja za treći ciklus studiranja Univerziteta u Sarajevu i drugih važećih akata.

Član 11.

Eventualne izmjene ovog ugovora će se definirati aneksom ugovora.

Član 12.

Ugovorne strane saglasne su da eventualne sporove prvenstveno rješavaju mirnim putem. U slučaju da nastali spor stranke ne riješe sporazumno, nadležan je Općinski sud u Sarajevu.

Član 13.

Ovaj ugovor se sačinjava u četiri istovjetna primjerka, od kojih svaka ugovorna strana zadržava po dva ugovora.

Ugovor stupa na snagu danom potpisivanja od strane obje ugovorne strane.

STUDENT/ICA:

FAKULTET POLITIČKIH NAUKA

ime i prezime studenta, JMBG*

Prof. dr. Sead Turčalo, dekan

Broj: _____
Sarajevo, _____